



Broj: 16-12-16-5326-~~8~~ /23
I. Sarajevo, 24.07. 2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 20.07.2023. godine, na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-5326/23 od 21.07.2023. godine, u postupku javne nabavke kompjuterske opreme – tonera i ketridža za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke kompjuterske opreme – tonera i ketridža za potrebe Državne agencije za istrage i zaštitu

Član 1.

U postupku javne nabavke kompjuterske opreme – tonera i ketridža za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2023. godini broj 16-12-16-5326/23 od 21.07.2023. godine, okvirni sporazum na period od tri godine dodijeljuje se za:

- LOT 1 - Nabavka tonera i ketridža za uređaje marke HP, Canon, Brother, OKI, Toshiba, Honeywell i Xerox Versalink, ponuđaču „ALF-OM“ d.o.o. Banja Luka - Poslovna jedinica Istočno Sarajevo, ponuda broj 16-12-16-5326-5/23 od 14.07.2023. godine za ponudenu cijenu u iznosu od 137.358,20 KM bez uračunatog PDV-a;

- LOT 2 - Nabavka tonera i ketridža za uređaje marke Lexmark, ponuđaču „DEFTER d.o.o. Sarajevo“, ponuda broj 16-12-16-5326-6/23 od 14.07.2023. godine za ponudenu cijenu u iznosu od 23.461,00 KM bez uračunatog PDV-a.

Član 2.

(1) Ponuđači „ALF-OM“ d.o.o. Banja Luka - Poslovna jedinica Istočno Sarajevo i „DEFTER d.o.o. Sarajevo“ obavezni su ugovornom organu dostaviti dokaz o ispunjavanju uslova iz tač. 10.1. i 11.2. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđači su obavezni dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova Odluka stupa na snagu danom donošenja.

O b r a z l o ž e n j e

Odlukom broj 16-12-16-5326-1/23 od 15.06.2023. godine pokrenut je postupak javne nabavke kompjuterske opreme – tonera i ketridža za potrebe Agencije, na period od tri godine, procijenjene vrijednosti 180.000,00 KM bez uračunatog PDV-a, za koji je obavještenje o javnoj nabavci broj 1161-1-1-127-3-34/23 od 23.06.2023. godine objavljeno na Portalu javnih nabavki i u „Službenom glasniku BiH“, broj 46/23. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza za 2023. godinu („Službeni glasnik BiH“, broj 22/23) i Dokumenta okvirnog budžeta 2023.-2025. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podijeljen je na dva lota:

- LOT 1 - Nabavka tonera i ketridža za uređaje marke HP, Canon, Brother, OKI, Toshiba, Honeywell i Xerox Versalink, procijenjene vrijednosti 140.000,00 KM bez uračunatog PDV-a;

- LOT 2 - Nabavka tonera i ketridža za uređaje marke Lexmark, procijenjene vrijednosti 40.000,00 KM bez uračunatog PDV-a.

Obzirom da je tačkom 23. Tenderske dokumentacije navedeno da je rok za dostavljanje ponuda 14.07.2023. godine do 12,00 sati, te da se ponude dostavljaju u zatvorenoj koverti, Komisija je dana 14.07.2023. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno su dostavljene tri ponude i to:

R/B	Naziv ponuđača	LOT	Ponuđena cijena bez uračunatog PDV-a
1.	„Aero-Exclusive d.o.o. Sarajevo”	LOT 1	139.457,38 KM
		LOT 2	39.181,00 KM
2.	„ALF-OM“ d.o.o. Banja Luka - Poslovna jedinica Istočno Sarajevo	LOT 1	137.358,20 KM
		LOT 2	39.761,00 KM
3.	„DEFTER d.o.o. Sarajevo“	LOT 1	139.979,88 KM
		LOT 2	38.033,88 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „Aero-Exclusive d.o.o. Sarajevo“ (LOT 1 i LOT 2), „ALF-OM“ d.o.o. Banja Luka - Poslovna jedinica Istočno Sarajevo (LOT 1 i LOT 2) i „DEFTER d.o.o. Sarajevo“ (LOT 1 i LOT 2), ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, kao i formalno-pravne uslove iz Tenderske dokumentacije.

Obzirom da je Tenderskom dokumentacijom za postupak javne nabavke kompjuterske opreme – tonera i ketridža za potrebe Agencije predviđeno provođenje e-aukcije u skladu sa Pravilnikom, da su za LOT 1 i LOT 2 zaprimljene tri prihvatljive ponude i to ponude ponuđača „Aero-Exclusive d.o.o. Sarajevo“, „ALF-OM“ d.o.o. Banja Luka - Poslovna jedinica Istočno Sarajevo i „DEFTER d.o.o. Sarajevo“, Komisija je zakazala e-aukciju za dan 20.07.2023. godine i to za LOT 1 u 13,00 sati u trajanju od 20 minuta i za LOT 2 u 13,30 sati u trajanju od 20 minuta.

Prema Izvještaju o toku i završetku e-aukcije od 20.07.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„ALF-OM“ d.o.o. Banja Luka - Poslovna jedinica Istočno Sarajevo	137.358,20 KM	1
2.	„Aero-Exclusive d.o.o. Sarajevo“	139.457,38 KM	2
3.	„DEFTER d.o.o. Sarajevo“	139.979,88 KM	3

Prema Izvještaju o toku i završetku e-aukcije od 20.07.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„DEFTER d.o.o. Sarajevo“	23.461,00 KM	1
2.	„Aero-Exclusive d.o.o. Sarajevo“	23.500,00 KM	2
3.	„ALF-OM“ d.o.o. Banja Luka - Poslovna jedinica Istočno Sarajevo	39.761,00 KM	3

Shodno Izvještaju o toku i završetku e-aukcije od 20.07.2023. godine za LOT 1 i LOT 2, Komisija je utvrdila da za LOT 1 nije bilo snižavanje cijena ponuda kao kriterij za dodijelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika, dok je za LOT 2 bilo snižavanje cijena ponude.

Komisija je nakon provedenog postupka ocjenjivanja dostavljenih ponuda, utvrdila da je ponuda ponuđača „ALF-OM“ d.o.o. Banja Luka - Poslovna jedinica Istočno Sarajevo ocijenjena kao najpovoljnija ponuda za LOT 1 i da je ponuda ponuđača „DEFTER d.o.o. Sarajevo“ ocijenjena kao najpovoljnija ponuda za LOT 2.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od tri godine dodijeli ponuđaču „ALF-OM“ d.o.o. Banja Luka - Poslovna jedinica Istočno Sarajevo za LOT 1 i ponuđaču „DEFTER d.o.o. Sarajevo“ za LOT 2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.



DIREKTOR
GLAVNI GENERALNI INSPEKTOR POLICIJE

[Signature]
Darko Čulum